

Na osnovu člana 10 tačke 2. i 8., člana 19. stava 3. i članova 45., 47., i 80. Statuta Veterinarske komore FBiH, u vezi sa članom 58. tačka 3. Zakona o veterinarstvu Bosne i Hercegovine ("Službene glasnik BiH", broj 34/02), po prijedlogu Odbora za stručno usavršavanje veterinara, Veterinarska komora FBiH na svojoj sjednici Predsjedništva od 13.10.2006. donosi:

PRAVILNIK

O STRUČNOM USAVRŠAVANJU DOKTORA VETERINARSKJE MEDICINE

Član 1.

Tokom obavljanja veterinarske djelatnosti, doktori veterinarske medicine obvezni su stručno se usavršavati radi stjecanja uvjeta za produžavanje licence - odobrenja za rad.

Član 2.

Ovim se Pravilnikom propisuje način, postupak, oblik i programiranje obaveznog stručnog usavršavanja i provjere znanja veterinara u neposrednom obavljanju veterinarske djelatnosti.

Član 3.

Ovim se Pravilnikom propisuje sistem i postupak vrednovanja (bodovanja) pojedinih oblika stručnog usavršavanja veterinara, kao obaveze za produžavanje licence - odobrenja za rad.

Član 4.

Stručno usavršavanje veterinara, u saradnji s Veterinarskim fakultetom, Ministarstvom poljoprivrede, vodoprivrede i šumarstva FBiH, Ministarstva za obrazovanje i nauku FBiH, Uredom za veterinarstvo, Veterinarskim institutom FBiH i Veterinarskim zavodima, programira i planira Odbor za stručno usavršavanje veterinara, krajem svake tekuće godine za slijedeću godinu.

Član 5.

Oblik i način poslijediplomskog stručnog usavršavanja veterinara u smislu ovoga Pravilnika je: sudjelovanje u radu veterinarskih kongresa, savjetovanja, stručnih i naučnih sastanaka, studijskih boravaka, specijaliziranih tematskih seminara iz člana 4. ovoga Pravilnika i drugih seminara, sudjelovanje u radu ambulante klinike Veterinarskog fakulteta, objava članaka i radova u naučnim časopisima i autorstvo priručnika i knjiga iz područja veterinarske medicine.

Član 6.

Poslijediplomski studij specijalizacije ili naučni, te doktorat iz područja veterinarske medicine, u smislu ovoga Pravilnika podrazumijeva i predstavlja trajni oblik postignutog stručnog i naučnog usavršavanja koji, od godine postizanja naučnog stepena, podrazumijeva stručno usavršavanje s trajnim vrednovanjem (bodovanjem)

Član 7.

Sistem vrednovanja (bodovanja) stručnog usavršavanja doktora veterinarske medicine:

1. sudjelovanje u radu veterinarskih kongresa:

- a. domaći kongres, pasivno..... 4 boda
- b. domaći kongres, aktivno8 bodova
- c. međunarodni kongres pasivno.....5 bodova
- d. međunarodni kongres aktivno.....10 bodova

2. sudjelovanje u radu stručno - naučnih savjetovanja:

- a. domaće savjetovanje, pasivno..... 3 boda
- b. domaće savjetovanje, aktivno 6 bodova
- c. međunarodno savjetovanje, pasivno 4 boda
- d. međunarodno savjetovanje, aktivno..... 8 bodova

3. sudjelovanje na stručnim sastancima i predavanjima..... 2 boda

4. aktivno sudjelovanje u radu "Ambulantne klinike"- godišnje5 bodova

5. studijski boravak u zemlji

- a) više od 5 do mjesec dana..... 8.bodova
- b) više od mjesec dana.....12 .bodova

6. studijski boravak u inostranstvu

- a) više od 5 do mjesec dana..... 15 bodova
- b) više od mjesec dana..... 25 bodova

7. prisustvovanje specijaliziranim tematskim seminarima iz člana 4. ovoga Pravilnika (programirano i planirano stručno usavršavanje):

- a) bez provjere znanja 5 bodova
- b) s provjerom znanja 10 bodova

8. prisustvovanje drugim seminarima van okvira planiranog i programiranog stručnog usavršavanja:

- a) bez provjere znanja 2 boda
- b) s provjerom znanja 4 boda

9. objava naučnih ili stručnih članaka :

- a) štampan u časopisu koji se citira «current contents», autor..... 20 bodova
- b) štampan u neindeksiranim publikacijama, autor..... 5 bodova
- c) štampan u časopisu koji se citira «current contents», koautor..... 10 bodova
- d) štampan u neindeksiranim publikacijama, koautor.....2 boda
- e) štampan u "Veterinarii", autor.....5 bodova
- f) štampan u "Veterinarii", koautor.....2 boda

10. autorstvo i koautorstvo priručnika i knjiga iz područja veterinarske medicine:

- a) autor, najmanje bodova u godini objave za vrijeme važenja licence.....30 bodova
- b) koautor, najmanje bodova u godini objave za vrijeme važenja licence..... 10 bodova
- c) dodatni broj bodova u godini objave za vrijeme važenja licence prema posebnom

vrednovanju Odbora za stručno usavršavanje za objavljenu knjigu ili priručnik.....do 10 bodova

11. poslijediplomski studij

a) upisan, u toku godine upisa..... 5 bodova

b) s položenim ispitima..... 10 bodova

Predviđeni broj bodova vrednuje se u tokom najviše jednog petogodišnjeg razdoblja obaveze stručnog usavršavanja iz člana 1. ovog Pravilnika.

12. Trajno vrednovanje od godine postizanja stručnog ili naučnog stepena u veterinarskoj medicini:

a) specijalizacija..... 8 bodova

b) magisterij nauka..... 10 bodova

c) doktorat nauka..... 20 bodova

Broj bodova predviđen za pojedini naučni ili stručni stepen predstavlja, vrednuje se i donosi kao trajna vrijednost svaki puta za predviđeno jednogodišnje (u slučaju prvog produženja licence), odnosno petogodišnje razdoblje obaveze stručnog usavršavanja iz člana 1. ovog Pravilnika.

Član 8.

Pasivno sudjelovanje na kongresu, simpoziju, savjetovanju, sastanku, seminaru i sl. dokazuje se potvrdom o prisustvovanju, a aktivno potvrdom i štampanim sažetkom rada ili referata.

Studijski boravak potvrđuje se odgovarajućom potvrdom, svjedodžbom ili certifikatom o obavljenom studiju.

Objavljeni stručni članci i radovi potvrđuju se separatom ili kopijom rada, članka iz časopisa.

Upisani poslijediplomski studij ili poslijediplomski studij s položenim ispitima potvrđuje se kopijom indeksa.

Završeni poslijediplomski studij i doktorat potvrđuje se kopijom odgovarajuće diplome.

Aktivno sudjelovanje u radu "ambulantne klinike" Veterinarskog fakulteta dokazuje se potvrdom izdanom od Dekanata Veterinarskog fakulteta.

Član 9.

Organizator ili realizator pojedinih predviđenih oblika stručnog usavršavanja veterinaru, izuzev provedbe programiranog i planiranog stručnog usavršavanja iz člana 4. ovog Pravilnika, dužan je u cilju pravilnog vrednovanja (bodovanja) podnijeti zahtjev Veterinarskoj komori FBiH.

Odbor za stručno usavršavanje Veterinarske komore FBiH, dužan je u roku deset dana od dana podnošenja zahtjeva, podnosioca zahtjeva izvjestiti o određenom broju bodova kojim se vrednuje navedeni i predloženi oblik stručnog usavršavanja veterinaru.

Organizator stručnog usavršavanja veterinaru dužan je na svakom pozivu označiti utvrđen broj bodova koji se priznaju u organiziranom i oglašenom obliku stručnog usavršavanja s tekstom: "Pravilnik o stručnom usavršavanju doktora veterinarske medicine – važi brojbodova"

Organizator ili realizator stručnog usavršavanja dužan je učesniku izdati potvrdu ili svjedodžbu o obavljenom stručnom usavršavanju s utvrđenim vrednovanjem - brojem bodova s tekstom "**Prema Pravilniku o stručnom usavršavanju veterinaru priznaje se broj odbodova**".

Član 10.

U obaveznom stručnom usavršavanju iz člana 1. ovog Pravilnika svaki je doktor veterinarske medicine u razdoblju od jedne godine dužan ostvariti najmanje 5 (pet) bodova u cilju prvog produženja licence, odnosno svaki je doktor veterinarske medicine u razdoblju od pet godina dužan ostvariti najmanje 20 (dvadeset) bodova u cilju svakog narednog produženja licence - odobrenja za rad u skladu s ovim Pravilnikom i Pravilnikom o uvjetima, načinu i postupku izdavanja, produženja i oduzimanja odobrenja za rad doktora veterinarske medicine (licence).

Član 11.

Doktoru veterinarske medicine, koji u obaveznom stručnom usavršavanju ne ostvari utvrđeni broj bodova iz člana 10. ovog Pravilnika, prestaje važiti licenca - odobrenje za rad, te za ponovno dobivanje licence može podnijeti zahtjev nakon isteka šest (6) mjeseci uz dokaz o ispunjenju obaveze stručnog usavršavanja.

Član 12.

Svaki doktor veterinarske medicine dužan je do 31. decembra tekuće godine dostaviti Veterinarskoj komori FBiH odgovarajući izvještaj, odnosno odgovarajuću dokumentaciju iz člana 8. ovog Pravilnika o obavljenom stručnom usavršavanju tokom godine, odnosno o upisanom poslijediplomskom studiju, položenim ispitima i postignutom naučnom stepenu.

Član 13.

Doktor veterinarske medicine koji tokom petnaestogodišnjeg perioda (dva perioda produžavanja licence) ostvari ukupno (kumulativno) više od 80 bodova ne podliježe daljnjoj obavezi stručnog usavršavanja prema ovome Pravilniku, a u cilju produžavanja licence.

Doktoru veterinarske medicine iz stava 1. ovog člana produžuje se licenca na osnovu dokaza o stečenom broju bodova tokom petnaestogodišnjeg perioda.

Član 14.

Ovaj Pravilnik stupa na snagu danom donošenja.

Predsjednik Odbora za stručno usavršavanje

Prof.dr. Aida Hodžić

Predsjednik Veterinarske komore FBiH

Prof.dr.sci.Jasmin Ferizbegović